

懷寧縣志卷之二十一

知懷寧縣事 齊東王毓芳 纂輯
署上海趙梅

篤行

居鄉而多善士則其上之教化與其下之風尚皆有足觀者矣管子曰與其爲善於國也不如爲善於里與其爲善於里也不如爲善於家世有孝友之人其它行必可信也夫庸近之地習之者以爲無難至其可感匹夫自用其愚士君子有不及焉推之德曜閭里道榮名教一鄉化之翕然流風餘韻被乎來葉則孰非內行充積者哉它如一節取名雖其事至淺近要不失爲

懷寧縣志

卷之二十一

篤行

一

善行故可紀焉總爲篤行不復異稱高下等差畧示區別覽者當自得之志篤行

明丁榮字宗仁成化丁未進士謙謹忠厚不事華藻居父喪哀毀踰禮待異母弟恩勤有加泰和羅氏欽順嘗從受業焉官行人出使河南道卒祀鄉賢
方鵬字其大嘉靖丙戌進士始爲諸生時家甚貧繼母馬遇之無道有女弟馬出也曰嫁吾女必鬻其居母死卽鬻居稱貸爲嫁貲父槩病篤吐血一升跪接而吞之
父歿親刻木像飲食祭焉會他出夢父有怒色趣歸視迺家僮誤簪刺其像號泣治之其孝感如此有司聞其賢周穀二十斛後仕至陝西督學僉事祀鄉賢

劉斐字君輔翰林溥子垂髫時聞父訃晝夜奔赴渡河墮水逾時而出人以爲孝感後應歲薦

段正洪裕州學正恢之孫母葉氏卒會鄰家火將延及正洪以身蔽棺號天甚哀忽雷雨大作火隨止

容恭字益所嘉靖間貢生辰濠變值父喪倉卒奉靈輜入山墮水中身與俱沒伏柩側數晨夕肌膚盡裂不忍釋遇救獲免後仕廣東香山知縣歷淮府審理以子若玉贈朝議大夫

魯希曾嘉靖間歲貢與弟希周菽水侍母必歌詩以侑之母疾三年衣不解帶學使欲旌之希曾泣辭曰此自生人恒事何忍以父母博名高哉學使降階而揖之加

懷寧縣志

卷之二十一

篤行

二

敬禮焉希周以舉人任江西德安縣訓導有文名分校順天鄉試得士九人八成進士世服其鑒

咎學易年四十餘父旣耄與共枕被依然孺子也萬曆癸酉舉人絕意仕進授江西金谿知縣不之官

王道溥弟道達幼孤母壽近期頤弟兄俱年七十孺慕不衰日娛其親引諸孫堂前擲梨棗爲戲家三世不析箸鄉里稱孝義焉

吳旦字子寅幼孤母督使學以歲貢任河南孟津縣教諭羣從昆弟數十人待養於旦旦悉贄俸所入以供之妻子糲食敝衣無一怨言數十年如一日子埜亦歲貢

任南雄推官

劉應甲諸生幼時父游幕粵中賴母教成立叔父母無子病篤應甲侍藥營葬不異其爲子也著有他山中江草豫章艾南英亟賞其文

吳汝鼎諸生早孤傷痛嘔血兄汝忠病癱拮据致參藥餌之已實忍飢啜糜弗顧也又雅精典故著有制勝末議諭俗小言子過順治間歲貢博學工文詞邑令賈壯聘修縣志

高材字世篤愛異母弟妹得父懽心父卒舉橐中裝悉付異母弟妹人以是稱之

高樞字象乙諸生孝事父母迎養寡姊嫁亡母愛婢不忍役循循爲善於家卒後數十年故老猶指其廬曰此

懷寧縣志

卷之二十一

篤行

三

高先生居云

盛希夔字太音父歿哀毀踰節兄弟析產讓腴而以瘠自予子應春字與偕年十二爲諸生穎異有文名父病嘗糞者再庶祖母年八十而憊命妻魯同起卧扶掖調護湔浣穢惡者數年嘗夜讀書有偷兒入戶視之鄰人也括囊錢與之令悔過營業終身不道姓名著世澤堂詩文三卷又社稿數百篇子自新以薦任九江府推官吳應鎡字幼安事兄應鍾如嚴師宴居相對不敢側弁欵坐兄死至老每念及輒爲泫然

楊照諸生先世以戰功授世職照次當襲時從弟應春爲大父所篤愛思得借襲而口不忍言照微察知大父

意卽忻然讓職力學迄老不倦嘗作五思箴以自警
汪培年三十喪妻子俱數齡誓不再娶經營祖父母父
母及妻五喪別無親族可藉棺衾窆窆手自拮据鄉人
稱其貧而能盡禮焉以子鉉贈文林郎行人司行人
戴君鼎諸生父年七十有七病廢床褥君鼎顛神乞代
父夢人謂汝有孝子當延算十齡已而果然弟婦魯早
孀遺孤五人長其旦纔八歲耳俱賴君鼎撫成之君鼎
年七十三卒乙酉兵叛妻宣守柩不去罵賊死順治間
以子其員任陝西西鄉知縣受贈如例

方都韓字大方崇禎戊辰選貢居母喪盡禮乙酉兵叛
蒼頭勸之出都韓以手搏膺曰豈有父在難而子逃生
懷寧縣志 卷之二十一 篤行 四
者乎入遇賊執父以身代死父得免著有去兵議摧稻
議五捷紀勦寇十三策禮經搜義門山蔬閣集等書其
集唐諸詩尤稱絕調

阮之鈺字韜甫諸生乙酉城潰母崔老病不能行賊至
之鈺爲母請命不許以身代死不許遂挺身障母皆被
重創母仆之鈺罵賊強起格鬪不支死子湛甫九齡得
脫於難順治初補諸生痛父死孝之烈哭求直指以事
聞 詔建坊旌表

蔣奕芝字鍾韓弟肩芝字鍾弼皆諸生乙酉城潰賊欲
刃其母奕芝以身覆母屢受刃遂死母臂上賊爲色動
母幸得全肩芝踉蹌負母徒跣奔山中遇虎虎伏相讓

奕芝子被掠肩芝破產贖歸

黃淡字元味諸生乙酉城潰母徐爲叛卒所執卒疑其家有資榜掠逼獻淡以身庇母求釋見母被刃遂奪刃抗賊賊衆擒殺噴血罵賊死兄中通中德皆諸生亦格鬪被殺

明世以割股著者曹鏞見明史孝義傳首洪武時人母龍氏病

氣疾藥弗效鏞割體肉以食母而母疾愈旣而疾復作鏞又割胸肉食母疾時愈時作鏞妻王氏亦割臂肉食旣而母疾復大作鏞憂甚又割股以食而母遂大瘳事聞臺臣議謂鏞刲肉食母至於再四人所難能宜加褒美詔旌其門復其家祀鄉賢楊貴母蔣病且危刲左股

懷寧縣志

卷之二十一

篤行

五

及脅肉令妻和粥以進疾遂愈詔旌其門韓祥允諸生大參一光子九歲刲股愈祖母疾又刲股愈母疾同里稱其孝程昇節婦聶氏子兩次刲股愈母疾族衆感之讓吉壤與厝先人里中呼爲孝義塚巡按鄭崑貞旌其閭江東隅父文試病刲股和藥血流至地不覺也旣暈仆家衆驚視猶呢呢作治藥聲顧創甚不能自進藥衆爲進之後父歿東隅亦以創亡以廬墓著者吳本清見明史孝義傳首貢生父茂病篤顙天求代父尋愈及父母相繼卒本清廬墓時有涌泉產芝之異成化時旌後爲湖廣監利縣訓導升王府紀善程維字廷翰宏治間國子生父母卒俱廬墓兄蚤世貲產悉讓孤姪

劉鈺字志堅景泰丙子舉人授浙江紹興府通判謹厚
淳實家居默坐觀書閒若無人教授生徒雖隆暑必正
巾服兄鏞屢負貸於人鈺不省多寡以所入束修輒代
償之鍾蕃守郡時鈺甥陳達以事繫獄鍾召鈺飲鈺以
達故辭不赴鍾益重之因釋達不坐在紹興嘗運餉鉅
萬至湖廣既而餘耗千金鈺歸盡還之省省使嘉歎以
爲廉卒祀鄉賢子溥自有傳

危山字志岳元尚書素之後也正統甲子舉人幼警穎
疑特事母能盡權居喪哀毀如禮慎交遊已然諾志高
而行孤學瞻而氣充守令器之祀鄉賢子容進士

程程字用憑積學勵行以踐履篤實爲務嘉靖中歲貢

懷寧縣志

卷之二十一

篤行

六

授湖廣臨武知縣有惠政滿三載卽乞休子敬思舉人
授浙江縉雲知縣聞程引疾亦請養歸居白麟嘗歲稔
程發困積千餘石以貸次歲復稔悉召焚其券鄉人感
德後歲稔爭擔負歸程程辭弗克率無有負者年八十
卒祀鄉賢子睿思字元哲諸生遇異人授以三式之學
遂精其術兼諳八門五花之法直使巡方至皖造廬訪
焉假安衛軍令將之登壇指麾坐作進退咸如法直指
欲薦諸朝睿思峻辭之父程卒廬墓三年郡守旌其門
朱正色字念默諸生幼志聖學務躬行實踐隱居教授
值歲晏攜館金歸有鐵工某夫婦相持號慟知爲償負
鬻妻也卽傾囊與之歸語妻方方亦稱善歲事蕭然無

介顏色子嗣哲嗣敏亦知名

雷雨字民望以諸生入太學結廬田間嗜古聚書急難
賙貧見稱鄉里以子鳴春封河南參議

任永寬少時某甲貸數十金後還金忘予甲券甲疑永
寬之匿其券也而靳弗肯言遂病永寬聞甲病馳至以
券還之甲張目曰君長者吾妄疑君矣因吐一小蛇而
愈任氏先世皆力田至永寬始教子以學子儻爲諸生
以儒術顯嘗應童子試父約府縣院三試皆第一否者
予杖及院取誤傳第二儻自外來父卽予杖受杖畢起
而對曰亦列第一其順承如此後以子可容仕永寬贈
大參儻封中書舍人晉贈大參

懷寧縣志

卷之二十一

篤行

七

顏恂字君實歲貢生御族黨嚴而有恩貧難者月有賙
貿易者月有貸讀書者月有課子弟安業無敢務分外
亂家政者著有大易解微毛詩旁訓通鑑總斷性理註
及詩賦百餘首以子素封中書舍人

游於詩字二南以諸生入太學嘗從學於盱江羅近溪
晚結里社開示後學倣朱子立義倉七楹於其鄉凶歲
多賴全活弟於禮由太學任山東經歷亦好善散穀賑
鄰施糶以殯無主者歿後鄉人祈報必祀之子士進歲
貢任峨嵎令孫必聖歲貢任洧川令

江見龍父雲質行淳古教子有方見龍年十三應童子
試論題爲天之曾子西銘乃天之宗子衆譁以爲誤見

龍曰非誤朱註云體其受而歸全者天之曾子也衆歎服爲諸生清介自勵嘗讀書古祠中屋材朽落會天雪甚同舍生欲取以燎見龍毅然止之萬曆甲午舉人授福建南平知縣教士子尤勵氣節未幾引疾歸無以爲裝吏持羨進見龍卻之曰不治其事敢貪其利乎年六十五卒子夢佺諸生博學善屬文早歿夢鶴自有傳宣塗字明瞻歲貢生初無子買妾方入室見女有戚容詢之名家子召其父母還焉任滁州訓導轉寧州學正兩學之士並立石志去思

顏從仕字修之弟從心字開之皆諸生年六十餘母疾猶躬爲浣垢兄弟自相師友其居在江滸口哦手錄寒

懷寧縣志

卷之二十一

篤行

八

暑不輟鄰里罕覩其面從仕後應歲薦子渾進士浩舉人別有傳

蔣卿字雲厓嘗於除夕獲一偷兒謂之曰汝爲度歲計耳度所須幾何米鹽之類悉以與之偷感泣去一日卿醉卧塘側偷負歸叩門家人問之曰我卽除夕蒙公惠者今負公歸耳啟戶則已逸矣又一日行江岸見少年號泣欲赴水詢之則因販橘爲酒所敗貲已竭畏責逋不敢還卿索其簿記閱之計往來費悉資給焉

陳尙煒字奕南諸生家籍舊隸於軍尙煒費千金置義田給勾補不累其族

魯士龍諸生醇謹自愛嘗館於巨室盜劫主人而遺所

劫於途鄰人拾之歸主人廉其跡以鄰爲盜也訟之士龍亟白主人得釋

方昇字寅陽諸生言笑不苟讀書必焚盥然後展卷晏處一室亦必衣冠危坐寒暑惟手性理一編晚精易學以恩例授訓導子應聘諸生性介直不輕爲然諾有陳卜微者宦於蜀貸富室千金應聘子都韓質其事後陳不能償富人責償於方曰吾第以君父子故輕付千金豈知有陳氏耶應聘卽鬻產代完不以介意云方應徵習陰符業應武科得雋明季屢膺當事聘薦俱不就鄉里推爲善人著有披沙集

李芝奇萬厯間副貢內行純篤人號長者傳書教子淡

懷寧縣志

卷之二十一

篤行

九

然以終著有易經質疑數卷

張久中諸生授徒自給族黨有逋課者每損館穀代償盜入室久中覺之謂曰汝良家子也何至此以所存修金爲贈誠令自新卒感化復成家業久中以子清議仕追贈朝議大夫祀鄉賢

謝嗣恩字莫京諸生蚤失怙事母至孝博士兩舉德行於學使者皆膺上賞從弟推恩孝友誠篤時稱爲二謝聶廷鼎字襄宸窮老積學操履方正嘗自謂我不能留產業但有方寸地可遺子孫耳年八十無疾終

蔣延姬字孔緒諸生家貧嗜學晚益明性理有視履考

門山草堂詩集

戴光祖字伯繩歲貢生任池州訓導立行純篤精於易與朱國熙韋文炤稱至交國熙性孝博通經史爲名諸生文炤字中素亦貢生任六合訓導三人者皆隱君子云

胡璉諸生抱奇不偶師事阮堅之友事白瑕仲相勉以仁義里有忿爭者往往得胡君一言爲曲直

汪廷侃字司直諸生飭廉隅不喜奔競鄉先達重之樂與游處著有經濟彙語

曹司秩布衣不苟於利有徽商及豫章人曾寄重貲於其家後數年始取歸爲人倚信如此

張守紳字雙峯國學生考授州同知饒於財施與不倦

懷寧縣志

卷之二十一

篤行

十

嘉靖間捐穀賑饑者屢矣萬厯壬辰旱蝗爲災守紳罄家穀賑之不足其姻毛氏有藏稻守紳貸以濟不肯一夕毛氏所藏稻盡飛入守紳家至今里中猶名張氏倉曰飛稻倉云

曹庶立心不愧形影嘗夜拒隣婦惠偷兒錢米有長者稱子惟勲樂善好施崇禎辛巳大疫屍橫街衢傾囊資施棺槨藁席後力不給每座一屍與百錢晚築擁萬樓以課子長子鶴諸生次士奇康熙壬午舉人孫四俱庠生張世俊明末歲饑竭橐以貸鄰里後悉焚其券莊可象崇禎辛巳歲大荒時絕糧者數日矣拾遺金於衢路守待其人還之又甯人徐從學樵者謝耀卿皆拾

遺金還其人王嘉禮屢拾遺金屢舉以還左兵東下嘉禮年八十餘欲避於城途次假寐夢金神止其往遂還山免於難

國朝劉世蔭字玉森諸生親歿廬墓乙酉城陷父樞厝郭外世蔭俯伏樞旁不去賊欲刃之以守父樞告賊感而去者數四晚杜門不出課生徒多成名士子宏謨字維嘉亦長者康熙辛酉舉人著有周易集解

方都亮字明治諸生乙酉城陷奉母避亂入山母老病不能行都亮乞竹作籃輿與兄楚昇母都亮體癯瘠雖勞不以爲憊後得疾卒

夏繼春明經蓮如子當流寇之亂祖母張爲賊所執繼

懷寧縣志

卷之二十一

篤行

十一

春隨父奔救賊渠勒以金贖父念金無從出欲脫兒自留以殉母繼春又欲脫父賊留質繼春叱其父去次日賊移營將刃張繼春抱張項曰老人瘠我肥請以我膏爾刃賊解其抱不得遂殺繼春棄張去時張年八十後壽至九十六而終

勞永蕃生歲餘值乙酉兵亂祖母抱之逃出母曹與離失死生未必也永蕃六七歲時知其故號痛欲絕十三歲卽誓尋母隨人潛出厯近所都邑凡遇存贖婦女之處哀號求索杳無音耗旣而娶婦生子曰吾有子矣遂遠行且二十年一日於雲南雞足山下遇一人曰子尋母耶母不可見矣欲見母在此畫中急展視之則世所

繪大士像也其人忽不見永蕃大慟而返奉大士像祀焉恨生不識母終身不茹酒肉年六十餘卒

王國楨九歲兒也父早卒母錢遭流寇離散悲號尋覓至張師墩遇母湖邊飢餓旬餘奄然一息矣國楨採菱芡食母得全寇稍平隨母又覓得其弟弟邁危疾國楨日夜祈禱尋亦獲甦邑令黃旌以孝友性成

孟珩字子肇諸生兩弟俱弱齡經亂散失珩冒險入賊中詭作縉夫代賊挽舟或市酒肉勞賊探賊舟皆徧辛苦越二載獲弟於豫章歸爲之完娶焉季弟又蚤死撫嫠孤四十年得完節成立

王嗣雋字允茲左兵陷城父廷綬卧病床褥嗣雋守泣

懷寧縣志

卷之二十一

篤行

十二

左右父叱之不去有頃賊至索金不厭鋒刃立下挺身蔽父父竟遇害嗣雋項受三刃絕而復甦衰經終身志永痛焉

汪之濟字舟子諸生乙酉城潰抗賊負創救父難歲荒同里不能舉火者夜啟其戶密周之子三義字公路亦諸生母潘年八十病肺卧床積歲未嘗一刻離母側學使臨皖檄三義歲試或勸之赴泣曰脫離母不測此恨可復贖耶母亡以毀瘠卒郡縣爲旌其閭

孟輔世字翼子諸生父振邦母崔俱以城潰殉節每一感慟淚盡輒繼以血年五十六卒易簣時猶以親遭慘變倉卒不能如禮有遺憾云

王懷堯明季寇亂時年十四從母任攜兩弟避賊覓食於路得飯則進母與弟已掇草葉以療飢季弟懷禹弱不能行母欲棄去懷堯泣不肯負之奔竄山谷重趼流血賊追及將見殺季弟叩頭哀泣請免兄代死賊異而兩釋之

周文典乙酉城潰母何以殉夫殲於賊文典覓殘骸溝塹間不具號呼累晝夜每夢涕泣覺而枕衾皆濕至老不渝子偉康熙戊子舉人

汪士元諸生父之彥病篤刲股療焉父歿停柩於室時流寇四出土元與弟特生舁柩以奔穿度賊營躬冒矢石賊哀其義不忍傷之

懷寧縣志

卷之二十一

篤行

十三

金鼎相字雲六諸生乙酉城陷母黃抗賊死鼎相終身不近刀器誕日忌辰茹素悲哀五十年如一日子永歲貢生自有傳

任國模字士範諸生大參可容子兵亂奉母入山時母年八十國模年亦五十母卒居喪盡禮每一望邱壟輒哀號泣下太守李士禎重其德命舉鄉飲大賓

聶應甲諸生遇父母恙手自捧持顛神乞代執喪哀毀如禮

阮士鏡字仲虛欽州知州以臨子事母孝迄老猶同嬰孺篤愛母弟士鏞一切生產不以累之悉推所有與共

子涵自有傳

錢有達幼孤侍母病嘗糞甘苦某嫗攜將笄女鬻以自存有達亟予數金令歸原聘王氏子子選自有傳孫鵬字扶南康熙甲子舉人七八齡時逮事大父稱順孫焉母歿一慟幾絕懼過傷觸大父及父悲能抑割以慰其意事繼母盡孝兄弟友愛怡怡如也

楊昭雍字南有諸生父廷試豪於客昭雍爲延致其老友日夕讌游無一不辦父病刲股請代母李治家嚴委曲承順得母一開顏則樂而起舞三黨內有緩急不惜稱貸應之除夕一偷兒入其室家人將執之昭雍曰此人吾命之來者呼出飲之酒予以米肉香燭度歲物更予白金爲來春貿易資後數年其人竟致饒裕自陳願

懷寧縣志

卷之二十一

篤行

十四

倍償前金昭雍曰吾無是也却不受暇時爲市井儉父演說勸世諸書聞者感泣靳中丞輔興復培原書院徵郡邑文行兼優者四人爲之長昭雍與焉郡人咸以爲當夙勤於學以程朱爲宗著有猛省警言克復圖說及訟獄八弊等書以子汝穀貴贈如其官祀鄉賢

張應聘醇篤無文飾鄉里有爭者多就質焉明季漕政敝壞族罹其害爲破產援之得免郡守張茁聞其賢兩舉鄉飲不就順治己亥海寇犯皖應聘年八十七矣子令奇倉卒負之入龍山迨歿躬舂鍤營葬跣足雨雪中膚裂流血見者莫不感愴焉

童源年十六父諸生之鏘挈入城應童子試歸過野螺

橋父騎飲水失足源奮身救父父得免源力憊沒潭中父呼救無及矣

汪華鳳家不戒於火舉室熟寐已焚至其母榻前華鳳急奔烈焰中救母出母無恙華鳳遍體創潰一日死程士憲字仲章歲貢生姊早嫠矢節士憲竭力護持撫孤甥如己子與兄某友愛無間歿之夕猶惓惓戒諸子以善事伯父爲言

陳蔚字豹渭康熙壬午舉人讀書略曉大義能出己見翻前人窠臼豪於飲自謂得酒中趣不修邊幅廓如也平日所得館穀盡爲諸姪營嫁娶卒無以葬郡守張楷爲經紀其喪

懷寧縣志

卷之二十一

篤行

十五

陳循字奏言中康熙甲戌武會試授溧陽營守備兄燮早卒姪維塾甫六歲撫之成人旣而維塾亦卒又撫其遺腹姪孫在銓恩義尤篤

諸應震兄蚤卒婚嫁遺孤如子里有不相能就應震質之多解散子正達歲貢生正述拔貢生

濮閔中年九歲母陳患目將盲舐之數日復明後又病腹張醫曰得絲瓜汁入藥可愈時值寒冬閔中號泣求覓不得忽於家藏瓜種中得一枚如新摘者急取汁奉母疾頓痊父向達病篤延醫無效聞舒城任姓者良醫也徒步往返一晝夜二百餘里求藥救父及抵家兩足盡腫母與父先後歿俱廬墓三年種樹墓旁彌望葱鬱

土人名之孝子林乾隆四十六年旌葬小且記嶺
朱復初父病卧床褥眠食與共無旦夕離後其父齒落
僅存一二噉物甚艱復初嚼而奉之又氣弱不能嗽痰
以口相接爲吸而引之

丁昌禧字祥履國子生父病刲股療之延數月而歿昌
禧痛良醫之莫遇因壹志學醫鄉鄰召視疾者稟母命
迺往遇甚雨大雪雖夜中必歸未嘗一日離母側母年
老以無疾而終

甘印符父歿方盛暑屍穢出棺印符跪而舐之廬墓荒
山中鬼物侵之不爲動叔父某篤老無子而病床蓐水
漿倚印符爲命自謂勝有子者印符後客江西不知所

懷寧縣志

卷之二十一

篤行

十六

終

江本宗父聖權早歿事母趙每食跪進甘旨疾則刲股
和藥以進母歿廬於墓左麻衣草履日夜不釋髮亦三
年未薙時束以藍布間出業販布物籠中不忍雜以紅
紫終喪未久而卒嘉慶七年旌

方家政諸生父嗣益乾隆庚午舉人母歿哀毀成疾卒
家政與弟家乘並以貧授徒省塾中茗果歸以遺母遇
四時嘉味必拮据求得歡顏進奉使母不知其艱母病
痰嗽須每日雞鳴進藥兄與弟旦就塾暮歸室遞代扶
掖寒暑無間者十七年後母及弟相繼歿一日火延其
屋舉家惶迫家政跪而禱曰生苟不德尙焚予一家而

止勿燬先人廬舍俄卽反風火亦隨滅

陳生棟本姓許甫二歲父母早亡陳氏姨繼爲己子生棟性純摯幼時親隣或飼果餅必留歸以獻姨患怔忡聞人聲輒悸生棟處室無敢咳嗽步履亦不聞聲嘗從陳渡銅陵江風濤大作陳老而病足度不免亟呼生棟游涌逃命生棟泣曰焉有瀕危而棄親求活者耶負陳出舟距岸數丈連躍而登俄頃舟沒後陳生子命許歸宗生棟泣不肯請俟二老天年陳夫婦歿居喪盡禮又爲本生父母追服三年喪布素終身嘉慶十二年旌郝正纁兄年五十無子欲以正纁次子爲之子正纁勸之置妾兄嫂俱不欲迺陰買張氏女納之數年又爲納

懷寧縣志

卷之二十一

篤行

十七

方氏女生一子朝中未幾兄嫂俱歿撫朝中猶己子治家公正子姓八十餘口四代同爨不析居鄉里稱之潘值字起秀國學生叔母熊年十九守節嗣值爲子值善事之如所生弟某夙負數千金將死妻問以家事曰有兄在勿憂也值果竭蹶數年爲盡償其逋欠撫養諸孤姪咸克成立

李道湖字思獻少孤力農事母何每冬寒母易衣服必身自取溫以進夜則先卧溫被抱母足眠母疾三刲股療焉里人稱其孝

阮世恩字聿修兄病嘗藥血疏遍禱期以身代兄愈而已竟歿聞者傷之

程璋字金普諸生幼時父督教之嚴閉一室讀書久之性益修謹母黃病膝疽展轉床蓐璋晝夜不離母側便溺輒與持掖間負行游室中數年而母乃歿生平不解欺人與人語迂拙可愛人亦不忍欺之

江本立字道生諸生性坦率與人渾渾無圭角而內行甚篤母年老本立亦幾五十偶母不憚卽與妻長跪請杖女弟嫁潛山徐氏母愛之甚家有田百畝本立分其半與之遇人自言貧困輒給金錢助焉往往爲黠者所給

王惟高父早歿母改嫁某氏數年而某亦死子幼家貧無所倚賴惟高稍長爲人傭願迎母歸不可則傭於母

懷寧縣志

卷之二十一

篤行

十八

之同里得朝夕近母取傭值佐母養焉母死旣葬傭如故月往拜奠墓下終其身

陳世德字心齋母病疽醫不能療吮之數日而差年四十喪妻不再娶晝自炊爨夜視衾被依依母側者十餘年母歿哀毀逾禮

國朝以割股著者盛應魁年十二母危病三割股煎湯以進 詔建坊旌表葉正奕母劉病篤割股肉烹進尋愈後任長治縣丞王言諸生嘗割左股愈母疾及父病篤復割右股以進蔡世衡字自度諸生割股療母疾獲再甦及伯父母病又割股療焉子大定字匡直亦割股療伯父病俱爲有司所旌劉掄才國子生年十四母黃

病劇醫治罔效掄才禱於神刲股和藥以進母疾得愈
江守邠父世富病篤刲股療之而愈及再病又刲股如
初父獲延算十餘年詹先易兩次刲股以救母丁世昌
陳錦武陳培俱割股救母疾陳光烈割股救父父歿廬
墓三年彭玉明幼失父母爲伯母黃所養黃疾篤玉明
斷指和羹以療黃疾得愈以廬墓著者劉前彬諸生父
母喪俱廬墓三年建陟望臺永思樓祀奠焉楊恒先業
貿易居皖之北郭奉母以孝聞母卒廬於墓側晝夜悲
號路人爲之感動苦塊二年哀毀成疾卒邑令劉效曾
旌以鄉黨稱孝之額江瑜字金玉業農父歿權厝荒野
隻身往宿鬼祟卧旁畧不驚怖偶他出亦中夜必歸寒

暑風雨無間及母歿復廬墓三年郡守溫必聯給門額
以旌何纘先廬父母墓於曠野中三年蛇虎常至不驚
避徐芳遠少孤事母盡孝母歿廬墓三年李進茂字令
昭諸生有文名父病痔癰同弟殿揚日遞吮之父歿廬
墓三年劉鳳麟幼喪父傭工養母母病篤刲股和粥以
進母歿廬墓三年嘉慶三年旌朱世伍事親以孝母歿
葬夫子岡廬墓三年父歿停柩在堂三年不入內室後
葬父猫兒山又廬墓如其母蘇大本字茂章父病痰厥
三年不省人事大本時饑飽煖寒揣已意爲之調節父
歿厝於龍山之麓守柩三年一夕風雨大至蛟水陡發
谿谷漲漫雷轉厓崩大本抱棺號慟誓死不離俄而亂

流衝盪旁決小港他徙同厝者棺多漂没大本父柩獨無恙

咎宏祖字寅谷爲諸生有名貴池吳應箕次尾宣城咎質無疑交譽之延入復社宏祖辭不可謂必有鈎黨之禍未幾果然福王南渡馬上英阮大鍼柄用濫以名器假人大鍼母宏祖姑也一日往省大鍼留之邸欲官以同知府事宏祖辭亟引去宏祖性孝友六齡繼母王撻之無完膚幾絕婢奔告其父父大憾宏祖曰母撻兒教兒也家人聞之盡流涕父卒執喪盡禮讓產及其弟鄰里匱乏有昏喪必助之宏祖於學博綜經史旁及醫藥卜算之書老而愛釋典年七十八卒秀水朱氏彝尊爲

懷寧縣志

卷之二十一

篤行

二十

誌其墓妻阮乙酉兵叛遇賊以刃脇之不從身被重創猶罵賊幸不死亦年至七十子蔚林茹穎別有傳

劉餘清字不疑歲貢生父若實字應真性體冲澹嘗手錄孔孟周程諸書辰起拜之端頌數十簡乃已桐城方大鎮吳應賓稱其淳篤似元定超脫如象山蓋慶得朋之益云明末以國子生任鴻臚寺丞卒餘清廬墓三年前中丞黃配元薦餘清賢良方正未就順治初任蕪湖訓導時奉裁小學訓導缺臺司以餘清故特請留蕪湖訓導一員異數也餘清嘗從姜曰廣學著有易問太極說西銘解等書又山居梅花等集

江同海字觀卿廣信同知夢鶴子讀書穎異爲文法先

正大家順治辛丑進士以候選歸里杜門謝客手不釋卷齏鹽風味泊然無改嘗布衣草笠乘蹇驢行郊外父老指嘆謂吾見其三世如此矣後選湖廣襄陽知縣病不能赴卒

江一傑字迪元訓導之鯤子六歲失恃長入里塾誦經書皆曉大義誠樸敦厚輕財好施年八十九無疾卒子世貢字禹式諸生積學有文與族兄同洪同海齊名三君所著文彙錄有思齊錄初不識別名字樸茂渾古如一家言

任氏兄弟五人諸生之燦子竣塾見宦業傳壘垣堡皆諸生壘字德音性簡淡不慕榮利凡利人濟物之事殫

懷寧縣志

卷之二十一

篤行

二十一

力爲之著逸園方書行世垣字濯公年十二城潰被擄有江右賈客黃德明見之贖歸後德明舟覆全家流寓儀徵垣訪得之卽具舟楫迎至皖分屋與居生養死葬無缺焉平日尤篤友誼三黨姻親待以舉火者甚衆子奕銓歲貢生力學植行士林推重堡字雉萬父母旣卒晚年營葬苴經廬墓三月匍匐霜雪中號泣不能起事諸兄恭謹白首無間言

張麟字彥叔歲貢生倡捐米穀行社倉法於其鄉註太上感應篇行世子維嶽字宗五廩貢博洽有文郡守張楷聘修郡志補遺註闕搜討之力爲多

徐可輝性好施與有游姓者欠漁課被繫將質其子可

輝與金償納父子得全又王姓貸銀三百兩不能償以原券還之曰無令余子孫執爲口實

濮世珂字我榮諸生歲饑出麥米賑貸鄉里有羅姓者將鬻妻償官課世珂捐金代納俾完聚如初

許維藩諸生兩親好義喜周濟維藩承志不懈有鄰某貧甚鬻身者婦將自盡急出金爲贖歸焉

劉一魁父繼芳年八十歿一魁歲時思親至耄耄必垂涕子光祖好善如其父全嫁娶助棺槨賑救貧乏前後焚券約免二千餘金一魁壽八十七薦列鄉飲賓又親見其子以耆德與賓筵尤六皖所少云子澡歲貢生沅拔貢生

懷寧縣志

卷之二十一

篤行

二十二

潘介字幼石歲貢生方侍郎苞稱其文行重江表而尤篤於故舊趣舍與衆異心嘗客遊京師閉一室不與諸公貴人接廬江孫起山維祺才高而得狂名顧心屈於介求一見不可得因僦居迫介舍伺之半載始獲接談遂深相締結晚館於宋學士衡家學士子相繼夭亡遺一幼孫在學士病且歿握介手曰生死交情兩世一孫以屬君矣因相對痛哭時介已年七十餘留學士家數年獨任撫教之責有以它事請者則託以老病辭焉介生平著作甚富雅不欲以文辭自見或請出其藏稿行世弗之許也今存者序記論說雜文十數篇

蔣謨字燕士諸生少豪宕不屈首里塾挾策遊於四

方同邑胥蔚林令會稽招至署客有用事者不當意避居僧寺郡守俞公聞其名僞遣人若請事者餌以多金謨正色謝之後胥以虧帑挂議客多散去謨獨銳力營救白於郡守郡守以前事重謨爲申請如指晚居皖口杜門不出時過從漁樵之舍爭競者咸取質焉子派長字雲錫性好施予嘗出粟平糶遇貧糶授意主者佯誤浮其數與之不欲以爲名後謨以孫雍植仕贈中書舍人派長亦贈如其官

翁壯猷字維彝少穎異就塾讀書如夙記體趨捷有力便弓馬甫冠偶應武童試輒售父弗之善也疾革執壯猷手曰吾讀書一生而阨於遇謂汝長且賢可繼志釋

憾而今已矣因大感慟首觸地絕而復蘇卽苦次攤書讀且讀且泣服闋陳情學使者願仍就文試使者嘉其志許之旋爲邑諸生聲譽大起繼母楊暑月疽生於胸與弟大猷遞吮瘀穢遂以漸差初大父以壯猷冢孫故別授產可千金盡推以均諸弟自取其薄者教子弟以士務實勝或聞其與朋儕戲謔輒拂然曰此非後福基也年七十三卒子立本立準別有傳大猷字際雲長者邑令王鳴舉大猷及徐處士奕鏞爲鄉飲賓號西門二處士子立行立功事繼母盡孝時有翁氏世孝繼母之稱弟立善與前母兄友愛備至棄舉子業遊幕以養親性耿介不苟桐城令涂某嘗贈以美婢辭不受有某生

者貧不能續娶卽勸嫁之稱盛德焉

江汝湛字露燕好施與不自言德每歲晚天雨雪早起望鄰屋不舉火者遣童負囊米叩人門戶呼之出畀以升斗父老至今道之子嘉椿字九霞幼隨父居井田坂山僻多虎害父每出耕輒持竹響夾敲擊繞田叫呼以助稍長從外塾歸見父獨耕泣曰父任其勞子享其逸安焉已乎於是請代父耕而翼兩弟嘉棫嘉觀遠從師讀凡米鹽膏火肩送步輸十數年風雨無間旣兩弟並補諸生時月告教諸子必指架上書語曰吾貽若曹惟此而已居恒行檢自勵與人接誠一不欺晚年財有贏舉以貸人其貧不能償卽置之不問頑子或藉以相誑

懷寧縣志

卷之二十一

篤行

二十四

亦概不與校恬如也汝湛以孫濬源仕貲贈奉直大夫晉贈朝議大夫嘉椿以子誥贈奉直大夫晉贈朝議大夫

徐元煥字允文諸生剛介不阿同里素敬憚之鄰有以子女致訟者兩造執詞不下官問里中公正者誰也衆舉元煥元煥至一言釋之衆皆服官起立謂曰君長者可謂盛德感人矣子奕鏞處士之雋也孫世峯歲貢生世錦進士世銘舉人

宣佐字左人諸生初與方侍郎苞相識幾三十年而不相知也後數與語異之因至其家見龍山山水之勝約匝歲定居焉適方以南山集牽連被逮佐在金陵奔走

急難無異於骨肉兄弟方自以非所望而益嘆佐之賢
及方繫刑部佐復入視問何以來則他無所爲將歸謂
方曰吾附人舟車不自由以天之道子無恙尋當歸吾
終待子龍山之陽矣方出獄而佐死爲作哀辭

王國運字二周諸生子度字達文章字裕斐父子並以
貲授官世饒於財習爲善事自其家祠宇墓田皆所捐
置鄉之津梁亭舍建造有名者數十所凡縣人有爲義
舉王氏率首倡焉歲飢出米穀以食人冬施絮衣被以
濟寒苦療病以醫藥座死以棺槨子孫世奉行不怠故
鄉里至今翕然稱王氏善門也

何振纓嘗拯鬻妻者以金家獲偷兒出酒食食之并贈

懷寧縣志

卷之二十一

篤行

二十五

以錢米又歲暮路過潛邑遇有赴水求自盡者問之則
家有老母典衣度歲而遺其金振纓惻然如其數予之

不告姓名而去

據其後裔稟縣云雍正二年請祀鄉賢
但查所呈各憲勘詳至院而止未知題

奏與否不
敢輒定

曾孫文珍字凱方亦有善行能繼其遺志云

魯元英歲飢出困粟贍其隣族又散給社穀數百石獨
力完納不責同里償服兄某遠遷黃梅家傾覆僅遺一
子元英躬往尋歸分宅授田俾婚娶成立焉

楊之俸嘗鬻米夜泊山鎮適鎮被火延燒數十家男婦
啼號之俸爲出米三百石以賑鎮人至今德之他拯急
恤貧多此類

江嘉相字朝佐國學生年十四父卒卽能獨支門戶事

母曲盡孝養遇親族急銳身任難不憚破產助之鄉有爭角侃然面折其是非雖強禦不爲屈也延師教子禮意勤到每三數日輒載肴酒白衣冠召鄰曲從師飲極懽而罷月以爲常江鎮王氏子幼瞽無依爲資給其衣囊俾習星命之學終賴存活

江嘉賓字序賢諸生內行淳篤與人一出於坦白鄉里以爲眞長者環嘉賓宅數十里凡口舌爭競率就質於門得處置一言行路爲之歎服晚年一至京師見諸貴人科跣會飲雜坐諧謔退而歎曰諸君子放達爲賢非所以誘後進矣因謝不與通年七十餘卒弟軸輪輪一皆諸生積學有文名

懷寧縣志

卷之二十一

篤行

二十六

宣定字學淡由諸生援例入貢家多藏書有樓曰萬卷樓好事者日就問焉晚耽吟詠著有草堂詩集鄰人錢某將歿託孤於定定爲經理家務尤能不愧始終云陳鳳鳴字用儀乾隆丙辰舉人力學以程朱爲宗每講四子書雖盛暑必衣冠一堂二十餘人皆盛服遇家忌哀至則哭常盡日不出戶限不見人晚得心疾少間猶與人娓娓談儀禮不倦年七十餘卒

楊楫歲貢生父病目數年每晨以舌舐之無間兄弟五人共爨六十年不析居後任繁昌教諭

李核字佩涇貢生父早歿事母能致孝養母卒廬墓三年教子弟專習勞苦自兒時出就外傳曰督令擔負什

物往來里塾以爲常

劉通字師孔歲貢生務學尙質行閨門齊肅而遇人和
謹未嘗疾言遽色築館於宅後湖畔教生徒不專尙文
藝做蘇湖經義治事二齋條例隨材質高下者而作成
之同時望江曹京亦依禮法自檢束每過通相對移日
獨心敬憚通退而語人未嘗不自以爲不及也

唐澤沛字覲懷家貧訓蒙自給父母篤老妹二贅夫於
家甥男女六七人旁無恃賴獨煦濡相救以爲活年幾
五十補諸生性顓篤嗜古雜纂傳記格言附以已說爲
目一十二篇

汪履中字文俊諸生嗜學不倦課生徒功至嚴密顧口

懷寧縣志

卷之二十一

篤行

二十七

呐於辨每講肄案置書百卷雜引眎之以申其說歿數
十年學者至今思之徐言遠字帶存諸生文行爲時宗
仰里中薰其德者不言之化比於溫伯雪子使人意消
云大約 國初至乾隆中年懷士子醇質謹慤敦飭學
行不汲汲於功利貧者授徒自給非應試足跡不履城
市稍預外事卽惴惴於鄉里之有非漸摩久之以成習
尙於虔懿哉自後生視之則遂邈爲古人矣

王鴻恩字鳳馳幼工詩賦兼嫻騎射偶應童子試不售
去而就武爲武生顧以文自負觀風月課輒高等出入
諸生曹督學朱公筠按皖鴻恩入試詩古走筆數千言
書未就而卷幅已盡督學奇其文更給一卷續成之因

拔置第一將令改試以文會丁母艱不果鴻恩事母孝
母疾割肱肉以進某婦新寡家利其改嫁既遣行鴻恩
聞之亟呼艇追及願償娶者金還婦養之終身賙卹親
友尤篤嘗面質人過失人多憚服無有怨之者

翁立本字拙菴乾隆乙酉拔貢就布政司理問職需次
京師二十餘年爲人方直有氣傲居古廟饘粥朝夕弗
給未嘗一躡貴人之門獨師梁文定公國治賢之留館
於家嘗衆中贊稱其姓名呼爲老友素精醫理諸貴人
稍來就醫處方畢私授俗工易置可否立本大憾曰母
再溷我我固不處方也因與諸貴人絕遊益困既老歸
里里中少年率習熟軟媚耳目者憚立本語慙直望見

懷寧縣志

卷之二十一

篤行

二十八

輒走去避不欲聞時與諸老人會食相見無敢闌語懼
卒卒發其言年八十餘竟以老且窮閉門死

潘金字獻章國學生內行醇篤尤究心葬法擇風水藏
聚之所廣啟塋壙篩去浮土沙礫取瀝青汁和石子灰
土堅築下穿隧竇洩陰流滲濕旁甃磚石覆上如橋納
棺其中以窆凡辟除水蟻之法靡不備具費數千金弗
恤也族有無主墳數百塚封土立石捐費歲爲祭掃資
姻鄰貧不克葬輒給金錢助之路見暴棺朽骨及義塚
頽敗不修者爲收座培築如法鄰某作屋下有古塚金
聞之惻然卽償費令毀屋修復其墳它所爲拯災恤貧
諸善行稱是有屠牛溺女及勿戕古墳等說嘗舉以勸

戒鄉人於俚俗多裨益云

陳梁字書崖國學生質直嗜義乾隆乙巳歲大飢梁同弟清玉買米平糶並以鹽水煮豆日一鍾食饑者活人無數家人化其忠厚子文哲諸生姪道基乾隆癸卯舉人皆能率義方之教焉

黃昌貞年二十娶妻子大璋甫晬而妻歿或以再娶勸曰有子足矣終不娶嘗載米鬻樅鎮行戶算值誤多予七十金歸解橐知之亟持還以多金償客子大璋亦善士有從父兄弟三人囊甚賴衣食之以存並予之資本習貿易焉族婦劉苦節日貸米卹其孤又何姓貧不能娶給青錢七十貫助之乾隆乙巳歲大禋出穀米數

懷寧縣志

卷之二十一

篤行

二十九

百石振救鄉鄰所全活者甚衆

楊全量字茹舫國學生父及叔皆前歿甫冠獨持家勸諸弟以學長而好義凡縣中工作賑貸及恤嫠育嬰諸善政官屬董其事全量不避勞瘁或更破產資之又善醫多置藥以救貧病有餽謝之者則笑卻曰我自樂此汝不欲予爲耶年六十卒其弔者與哭者識與不識哀感涕泣或自詣喪主言姓名焉

楊城字重連諸生父時泰蚤卒事祖父母如禮母方患心疾禱神乞代病以脫然姊適桐城胡某而寡有甥孤幼族人利其貲產奪而賣之城携姊及甥歸授田宅教甥成立補諸生遇族里貧乏輒齎米存問日待舉火者

十餘家

王國枚鄰某有鬻妻償負者力阻之爲代還金五十俾復完聚歲時給米穀恤其家

趙璧字一亭國學生性敦篤教家有矩範能使其子弟循謹內外秩然兄早卒遺孤者四俱僅數齡璧親教讀俾得成立長次各補諸生有張姓者貧而鬻妻妻泣不欲去璧聞之召其夫曰事可已獨吾力薄奈何亟措白金三十兩與之孀婦宣氏姑老子幼貧無以爲生璧每月助以千文又爲告之同人共輸舉本錢六十千資給薪水婦得完節

陳璇字亞斗諸生少勵志於學隆冬久雪斷炊鄰人或

懷寧縣志

卷之二十一

篤行

三十

餽以米不受璇每雞鳴而起聚生徒講肄亶亶不倦數十年如一日家貧有田數畝分畀兩昆獨資館穀以養親焉後年七十餘 恩賜副貢

潘傳元字玉相舉止依於禮法家貧爲童子師每旦晚講書作字畢諭以孝謹廉讓之道隨事開譬辭意愷切孩孺爲端聽改容朋友有急自忘其身之貧賤而爲之謀雖重受其累不悔也狷介不苟於財嘗自京旋里抵清江囊資罄矣獨爲人郵寄數十金或謂其暫假以濟傳元持不可賃質衣物復命其子往返千數百里贖歸陳廉潔字錦堂諸生性端介自授徒外不入一錢非歲科試不履城市乾隆五十一年大疫母染疫廉潔與婦

湔浣厠膾無一息離側中夜禱司命願以身代母迄獲痊兄弟之間怡怡如也與人言一依于忠恕里中化之雖至不肖亦皆以陳君爲長者也邑令沈南春及吳江周鶴立聞其名願一見焉不可得時周爲蒙城令將延其子署中廉潔獨不欲謂子曰汝年少學未成而奔走聲氣耶吾恐的然日亡不遠矣二公聞而躩之爲太息累曰焉

丁芬桂字元宰歲貢生爲人重密不泄始家貧授徒所入修金昆弟子姪數十人仰給焉晚畧饒裕以產授諸弟而獨任其債怡如也季弟恩蚤卒婦江矢節江父母老且貧爲迎養於家諸生某以貧死芬桂任殯葬又贍

懷寧縣志

卷之二十一

篤行

三十一

其妻子子稍長授之書且爲之娶婦今抱孫焉諸善事類此芬桂教生徒每謂古聖賢小心爲本人但逐處細心自能寡過學問不患不成

王大觀字成華諸生事父母盡誠終身不道人短輕薄者相戲謔試與語輒笑不答或更以它辭亂之年五十餘歿有潛山女子者暴死復甦路遇一官府自言姓名某某與其家有舊呼從者導之出且囑寄詩一章與子訊其狀貌良是大觀世故傳大觀爲神也

曹永泰字朗若諸生幼孤逮事大母暨母喪葬盡禮待弟友愛無間一門化爲循謹晚嗜讀書鄰里罕見其面里有忿相爭者得永泰一言立解散雖自負理直莫不

甘爲之屈焉

丁志偉字龍潭諸生性伉爽無骭骹之行弱冠授徒里舍資修俸以養親客河南館於汜水姜氏有張生思恭者父業末藝偶過塾聞書聲而泣詢之則其子可讀書而力不給也志偉惻然引張氏兄弟教焉并助之衣履膏火數年張登賢書弟亦補諸生歸里後老而貧仍訓徒自給其弟子多宦達寓書通問未嘗一語及其私曹本字成華諸生少攻苦嗜學性篤謹善事父母恂恂門內之行無以異於恒人父母樂之族里知者至今稱以爲孝

勞崇勲字讓泉嘉慶辛酉舉人謹愿力學坐一室日構

懷寧縣志

卷之二十一

篤行

三十二

文肄書自程寒暑弗輟也生平未嘗妄語或偶涉諧譎旋輒吐誠自齟齬質性文弱人反譽以恢張有才則大喜授徒京師所得修俸以給弟旅費常不足徒步敝衣自耐瘁苦補官學教習期滿揀發東河以知縣用貧不能賃車分塲督工日奔走數十里巡撫姚公祖同見而嘉之命有司別付勞令車馬在工次數月而卒方迎報字振藻諸生慷慨慕義鄉有爭者出酒食爲召而解之貸人以財或負之數百金不介意鄭隆萬性耐事族某田濱河歲被水害乘暴漲決泥沙壅隆萬田積爲廢壤隆萬戒勿與校嘗策一衛出奴擔行李隨隆萬念奴憊屢讓奴騎而代之擔見者以爲笑江殿一善醫

召視疾者踵門不問貧富立至自製藥療人病不取人一錢王顯倬字超羣與弟遵典相競爲善族有因漕事被困者銳以身代不辭難歲大疫自貸錢鬻棺槨爲鄉里葬死者詹大受字抒懷國子生聞人有爭訟如已身受必求所以解之然後已沈允升字晉明敦質行嘗面責人過人憚其直家無儋石積貸者至其門自忍飢以予之劉萬象嗜善好成人美里有以婿貧將改嫁其女者萬象爲釀金完娶助之生理鄉人間屬以公事督匠作與同寢處不憚勞瘁鮑長信字賓宇國子生性好善多爲族人葬無主墳其貧不能娶者給金錢助之又屢救江上溺人資之衣食以去查永鍾字拾黼武生好調

恤貧苦歲暮曰袖錢於路以與人之數子者家不甚饒裕然皆好行其德爲同里所稱

郝本蔭字用周家貧以教讀爲業修俸分潤諸弟不有私財母病痿痺十餘年與其妻日負之出入相代也處鄉里篤謹晚益書史自娛杜門不出

何烈諸生教子弟有法遇親族有恩姊嫁汪氏而貧爲置田數石以養烈年二十餘日簿記功過自糾責至老不衰

孫裕剛字芳億諸生敦勵行檢與人狎居一室雖日數十見必爲之起立正容家有粟糶與貧者價減而量贏數十年不變也某歲有湖鴨百萬啜民田稻幾盡獨不

近裕剛田又裕剛每出遊遇雉兔在前馴擾不去人以爲誠篤所感云

丁配士至性過人幼時以孝友聞家苦貧不能自給傭工養父母有餘輒分給兄弟節嗇精力致貲產千金撫舅氏劉遺孤勞瘁備至後劉亦饒裕終其身無德色

黃在中武生拾遺金五十金訪其人還之教授莊名弼出示學門旌其義朱志光拾遺金三十兩訪歸失者其人曰余實遺五十金何靳償也志光不與辨卽解橐金足其數後其人復得所遺於他所志光之心始白里中稱厚德焉

張清誼宅心忠厚族有貧不能婚及子弟無膏火者解囊助之亦嘗拾遺金訪還其人

楊美之業貿易遇一客同宿旅店客倉卒遺金數百美之留住十餘日俟客復至還之子一坤父病禱神乞代夢神告之延父算幾旣而良然

江高軒家貧操舟爲業偶夜泊遇風有鄰舟將壞挈金二桶誤置高軒舟上甫曉各解纜去高軒適見金回船數十里復抵故岸俟亡金者果有人沿江號泣呼問狀立與之其人大感願分半以謝卒不受江顯擢亦業操舟嘗泊金山墩鄰船少年有醉歸遺其囊金者寤而謂金遺於市將與市主人訟顯擢出金與之並白其遺金狀少年大慚分以金而亦不受也

黃列三住高河埠一日過錢肆肆主人置十金於几誤墮地板隙中主人將責僮僮走訊黃黃謝誤取明日如數還金後雖至肆終不入主人室主人以其內自愧也未幾地板壞啟之則十金儼然在焉始大感歎知黃實不取金

路麟字越轉遇歲歉好以衣穀賑人康熙辛卯赴武鄉試舟次蕪湖聞母子哭甚哀詢知爲鬻女償債者捐白金五十贖之遂以是科獲雋築逸圃山房課子讀書不樂仕進

孫鵬字旣長諸生專意教授所得館穀分潤弟姪孤嫠賴之全活

懷寧縣志

卷之二十一

篤行

三十五

王詠元性侃直好義里有訟者每置酒延至雜坐酬答徐爲之解勸多感其言以釋

鄭成訓國子生性慷慨好施乾隆己卯大饑遇鄉里貧乏者竭力資助並自貸社谷數百石以濟之